

www.BibleForChildren.org

मत्ती 8



मंग परो को दिवस गलील छेत्र को काना नगर मा कोनी को बिहाव
होतो, अना यीसु की माय भी उता होती। यीसु अना वोका चेला गीन
भी नेवता मा आयो होतीन।



जब पिवनो को लाई अंगूर को रस खत्म भय गयो। ता यीसु की माय ना कहीस, “अता उनको जवर ता अंगूर को रस नाहती।” ओकी माय नौकर गीनला कव्हासे, “उ जोन काही करन ला सांगेत वोच करने।”



यीसु ओन्हीसीन कव्हसे, “भांडो मा पानी भर देव, ”
अना यीसु को कव्हन लक, ओन्हीसीन भांडो ला टोंड
तकन लबा-लब भर देयि होतीन। तबा वोना ओन्हीसीन
कव्हासे, “हेड़के हांडी रांधिया को जवर ले जावो।”



जबा हांडी रांधिया ना वा पानी ला चाखीस, जोन अंगूर को रस बन गयो होतो। अना ओन्हीसीन नही जान पाईन का किता लक आइसे, पर वोको नौकर गीनला यो सब कान्ड मालुम होतो। तबा हान्डी राँधिया ना नवरदेव ला हाकलके कहीस, “हर कोनी मानूस पुढा निट-नाट अंगूर को रस देवासे, अना जबा लोकगीन को जिव भर जासे तबा फिको देवासे, पर तुना अबा लक निट-नाट अंगूर रस बचाय राखिसेस।”




यीसु ना गलील को काना नगर मा आपरो यो
पयलो निसान दिसाय के आपरी महिमा ला
दिसाइस। अना ओको चेला ना
वोको पर भरोसा ठेइन।



यीसु जबा पतरस को घर मा आयो, तबा ओकी
सासु ला बुखार धरयो होतो।



ओना ओला हात लक, छीइस अना ओको बुखार उतर गयो। अना वा उभी होय के, ओकी सेवा करन लगी।




झुलाखाली जबा दिवस बुडतो बेरा भय गयो तो लोक सब बीमार ला
अना जिनमा भुत आतमा होतीन यीसु को जवर आनीन। अना नगर
को सप्पा लोकगीन बेसकुड
को जवर एकठो भइना।



अना यीसु लगत लोकगीन जोन गजब-गजब को बीमारी लक परेसान
होतीन, उनला साजरो करीस, अना लगत बुरो आतमा ला हेड़िस। पर
उनला बोलन लक मना करीस। काहे की वय ओला चिन्हत होतीन।



सब लोकीन यीसुला छिवन को कोसीस करत होतिन, काहेका वोको लक ताकत हिटके ना, सबला साजरो करत होतो।



अना चार मानूस एक लकवा को मारयो हुयो ला, ओको कठा आनीन।



पर जबा वय जमघट को कारन ओको जवर
नही पहुच सकीन, ता जोन छपरी मा यीसु
होतो वोको सडुन ला उघाड देईन।
अना जोन खाट मा लकवा को
मारयो हुवो होतो
वोला वय उतार देईन।




यीसु ना उनको भरोसा देखिस अना उ लकवा को मारो हुयो ला कहीस
“ओ टूरा, तोरो पाप छिमा भईना।”
“मि तोला कहँसू की उठ,
आपरी खाट उचल अना
आपरो घर ला जाया।”



जब उ नाव पर चघयो, ओको चेला मंघा भय गईन। अना देखो
झिलमा एक मोठो आँधड़ उठयो। अना
नाव लहर लक ढकन लगी।
मगं उ जपमा होतो।



ओना कहीस, “अरे कच्चो भरोसा कमजोर बिस्वासवारा! काय ला डरावसो?” तबा आँधी अना पानी ला डाटन लगिस, ता सफा उगा-मुगा भय गईन। अना वय अचंभा भयके कहिन, “यो कसो मानूस से का आँधड़ अना, पानी एको हुकूम मानासेता।”



काहेका परमेस्वर ना संसार लक एतरो माया
राखियो, का वोना आपरो चहतो एकच टूरा
ला दे देइसा। एकोलाय जोन कोनी वोको पर
भरोसा राखेत, उ नास नही होहेत पर
अमर जीवन पाहेत।



रोमियो 3:23 हरेक मानूस ना पाप करयो सेत। अना परमेस्वर कन लक दियो तेज बचाव लक लगत दुहर सेत।

रोमियो 6:23 काहेका पाप को बनी तो मरनो से, पर परमेस्वर को बरदान आमरो पिरभू यीसु मसीह मा अमर जीवन सेत।

इब्रानियो 9:27 जसो मानूस को लाय एक बार मरनो, अना एको मघा उनको नियाव होवनो लेखा सेत।

इफिसियो 2:8,9 परमेस्वर को दया कन लक आपरो भरोसा को काजी तुमरो सूटकारा भयीसे। योयो तुमला तुमरी कन लक नही मिलीसे, पर यो ता परमेस्वर को दियो हुयो दान से। अखिन नाता करम लक असो ना होय का कोनी गरब करयेत।



रोमियो 10:9,10 यदि तुमी असो स्विकार करा सेव, का यीसु च पिरभू सेत। अना बिस्वास करो का परमेस्वर ना वोला मरयो हुयो लक जित्तो करयो सेत, तो तुम्हि बच जाहो। काहे का मन मा भरोसा राखन लक मानूस नेक बन जासे अखिन परमेस्वर लक सही संबंध भई जासे। अना स्वीकारनो लक हमीला बचायो जावा सेत। मजे आमरो सूटकारा होवा सेत।

योहन 3:16,17 काहेका परमेस्वर ना संसार लक एतरो माया राखियो, का वोना आपरो चहतो एकच टूरा ला दे देइस। एकोलाय जोन कोनी वोको पर भरोसा राखेत, उ नास नही होहेत पर अमर जीवन पाहेत। परमेस्वर ना आपरो टूरा ला दन्द देवन ला नही, पर संसार ला सूटकारा देवन लाय धाड़ीसेस।

1 योहन 5:11-13 अना ओकी गवाही यो से का परमेस्वर ना आमला अमर जिंदगी देईसेस, यो जिंदगी ओको टूरा कन लक मिलयो से। जोको जवर टूरा से, ओको जवर जिंदगी से, अना जेनको जवर परमेस्वर को टूरा नहाती, ओको जवर जिंदगी भी नहाति। परमेस्वर को टूरा मा भरोसा राखन वालो, तुमला यो गोस्टी मी एकोलाय लिख रही सेऊ जेनको लक तुमी यो जान लेव का अमर जिंदगी तुमरो जवर से।



मत्ती 8-9; मरकुस 1-2, 4; लूका 4, 8; योहन 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Powari Bible (pwr) © The Word for the World International
and Powari Madhya Pradesh, 2025.

<https://www.bible.com/bible/3714/MAT.1.PSP25>

©2026 Bible for Children, Inc.

www.M1914.org

www.bibleforchildren.org

